



Broj: 10-05-20792/17
Sarajevo, 29.08.2017. godine

Na osnovu člana 70. st. 1. i 2. Zakona o organizaciji organa uprave u Federaciji BiH („Službene novine FBiH“, broj 35/05), člana 22. tačka (2) Zakona o izvršavanju Budžeta Kantona Sarajevo za 2017. godinu („Službene novine Kantona Sarajevo“ broj: 53/16) i Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12 – Ispravka, 37/13, 16/14 i 6/17), Ministrica zdravstva Kantona Sarajevo, donosi slijedeću

O D L U K U

o raspodjeli sredstava za finansiranje – sufinansiranje programa i projekata neprofitnih organizacija i udruženja iz oblasti zdravstva iz sredstava Budžeta Kantona Sarajevo za 2017. godinu – pozicija Ministarstva zdravstva Kantona Sarajevo

I

Ovom Odlukom utvrđuje se raspodjela sredstava za finansiranje - sufinansiranje neprofitnih organizacija i udruženja iz oblasti zdravstva, iz Budžeta Kantona Sarajevo za 2017. godinu - pozicija Ministarstva zdravstva - ekonomski kod 614300 - KAN074 – programi i projekti neprofitnih organizacija i udruženja iz oblasti zdravstva, u iznosu od 44.960,00 KM, i to na način kako slijedi:

Red. br.	Naziv udruženja	Iznos
1.	Udruženje Život sa Down sindromom Federacije BiH	7.100,00
2.	Udruženje oboljelih od cerebralne dječije paralize Kantona Sarajevo	7.240,00
3.	Udruženje za podršku osobama sa intelektualnim teškoćama na području Kantona Sarajevo „Oaza“	11.870,00
4.	Caritas BiH	6.000,00
5.	Dijabetološko udruženje Federacije BiH	3.600,00
6.	Udruga, Sportsko udruženje osoba sa dijabetesom „DiaBIH“	5.250,00
7.	Udruženje dijabetičara djece i omladine Kantona Sarajevo	3.900,00
	UKUPNO	44.960,00

II

Ministarstvo zdravstva Kantona Sarajevo će, najkasnije u roku od 30 dana od dana stupanja na snagu ove odluke, zaključiti pojedinačne Ugovore o dodjeli sredstava sa korisnicima kojima su dodjeljena sredstva.

Ugovori iz stava 1. ove tačke će sadržavati odredbu kojom će se utvrditi obaveza korisnika sredstava da najkasnije do 31.12.2017. godine, Ministarstvu zdravstva Kantona Sarajevo dostave izvještaj o namjenskom utrošku dodjeljenih sredstava.

III

Korisnici sredstava iz tačke I ove odluke koji u ugovorenom roku ne dostave izvještaj o utrošku sredstava ili dodjeljena sredstva utroše suprotno ugovorenom, dužni su na zahtjev nadležnog ministarstva izvršiti povrat dodjeljenih sredstava na Jedinствени račun Trezora

Kantona Sarajevo najkasnije u roku od 15 dana računajući od dana prijema pisane obavijesti Ministarstva o obavezi povrata sredstava.

IV

U slučaju da udruženje ne dostavi izvještaj o namjenskom utrošku sredstava, neće imati pravo aplicirati za dodjelu sredstava u narednoj fiskalnoj godini.

V

Za izvršenje ove Odluke nadležni su Ministarstvo zdravstva Kantona Sarajevo i Ministarstvo finansija Kantona Sarajevo.

VI

Odluka stupa na snagu danom donošenja.

O b r a z l o ž e n j e

Na osnovu objavljenog Javnog poziva za finansiranje – sufinansiranje rada neprofitnih organizacija i udruženja iz oblasti zdravstva sa područja Kantona Sarajevo iz Budžeta Kantona Sarajevo za 2017. godinu - pozicija Ministarstva zdravstva Kantona Sarajevo, koji je objavljen u listu „Dnevni avaz“ dana 14.06.2017. godine, kao i na web stranici Ministarstva zdravstva Kantona Sarajevo, također 14.06.2017. godine, Komisija za ocjenu i rangiranje pristiglih prijava za finansiranje/sufinansiranje rada neprofitnih organizacija i udruženja iz oblasti zdravstva, imenovana Rješenjem Ministrice zdravstva broj: 10-05-20792-1/17 od 12.07.2017. godine, je pristupila otvaranju i pregledanju svih pristiglih prijava pojedinačno.

Nakon provedene procedure utvrđene Pravilnikom o postupku po javnom pozivu za dodjelu novčanih sredstava neprofitnim organizacijama i udruženjima iz oblasti zdravstva („Službene novine Kantona Sarajevo, broj 14/17), Komisija je predložila Ministrici zdravstva Kantona Sarajevo, da se naprijed navedenim neprofitnim organizacijama i udruženjima izvrši raspodjela sredstava, a u skladu sa Uredbom o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12 – Ispravka, 37/13, 16/14 i 6/17) i navedenim pravilnikom.

Shodno naprijed navedenom odlučeno je kao u dispozitivu ove Odluke.

Pouka o pravnom lijeku

Na ovu Odluku može se uložiti prigovor Ministrici zdravstva Kantona Sarajevo u roku od 3 (tri) dana, računajući od dana prijema Obavještenja o odbacivanju ili odbijanju zahtjeva o učešću u Javnom pozivu za finansiranje/sufinansiranje programa i projekata neprofitnih organizacija i udruženja iz oblasti zdravstva sa područja Kantona Sarajevo koja se finansiraju/sufinansiraju iz sredstava Budžeta Kantona Sarajevo za 2017. godinu.


MINISTRICA
Zilha Ademaj
Zilha Ademaj, dipl. oec.



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104, Fax: + 387 (0) 33 562-243
Sarajevo, Reisa Džemaludina Čauševića 1

